

POLELO YA BAPHATLALATŠI BA DITABA

BAKENG SA TOKOLLO YA KA PELA

SARS E BEA TABA MOLALENG MABAPI LE DITATOFATŠO TŠA DILAESENSE TŠA MAKHURA A DIFOANE TŠA JET

Tshwane, 29 Dibatsela 2025 - Ditirelo tša Motšhelo tša Afrika Borwa (SARS) di lemoga sengwalwa seo se sa nepagalago seo se gatišitšwego go News24 sa hlogotaba ya "Boemakepe bja East London bo tlase ka makhura a jet ya letšatši le le tee gare ga mathata a dilaesense tša SARS". Sengwala, se lebelewa ka tsela yeo e se nago bosodi, se nyaka go arola molato go SARS ka tiego ya go fa dilaesense tša mafelo a polokelo ya makhura a jet ka Durban le Bohlabela bja London.

Ga go na mathata a laesense ka SARS. Ka la 14 Diphilane 2024, Khomišinare wa SARS Edward Kieswetter, ka maitekelo a go thibela tlhalelo ya makhura go maemafofane ka moka, o file tumelelo yeo e kgethegilego ya theko ya dinaga tša ka ntle ya difofane le pharafene ya go boneša go tloga ka la 21 Diphilane 2024 go fihla ka la 20 Diphilane 2025. Tumelelo e kgethegilego e ile ya fiwa go rarolla phetogo ya intasteri ya makhura, yeo go yona naga bjale e fetogilego morekiši wa motlišagae wa difofane le pharafene ya go boneša, ka ge tšweletšo ya ka mo nageng e theogile kudu.

Ka morago ga boitlamo bjo bo lego ka godimo gomme mo e nyakilego go ba ngwaga o tee ka morago, ke fela ditheo tše tharo tšeo di dirilego dikgopelo tša dilaesense tša polokelo ya makhura. Mo gare ga ngwaga wo, kabo ye e ile ya katološwa go ya pele go kgonthiša gore tšhireletšo ya kabo ga e bewa kotsing. Gape, ke fela ba bararo bao ba nago le dilaesense tša mathomo bao ba ilego ba mpshafatša dilaesense tša bona.

Mola SARS e dira ka mo e ka kgonago go kgonthiša tšhireletšo ya difofane le phepo ya pharafene ya go boneša, gape ebile e hlokomela seemo go rarolla go se obamele melao diintastering tšeo di matlafaditšwego ke Molao wa Khasetomo le Motšhelophahlogae. Mathomong a Dibatsela 2025, SARS e emišitše go reka ka dinageng tša ntle ka mafelong ao a se nago laesense. Bareki ba dinaga tša ka ntle ba ile ba thušwa ka go laesensa mafelo. Ka la 19 Dibatsela 2025, morekiši yo mogolo wa dithoto o ile a romela kgopelo ya laesense ya ditanka tšeo a di dirišitšego go boloka difofane tše di tšwago dinageng tša ka ntle le pharafene ya go boneša. Laesense e ile ya akgofišwa gomme e ile ya ntšhwa ka la 27 Dibatsela 2025

Bjale ka ge seemo se le bjalo, lefelo la East London le dirile kgopelo ya laesense ya go reka ka ntle difofane le pharafene ya go boneša eupša lefelo leo ga se le tloše laesense ya lona ya peleng ya lefelo lona leo, go ya ka molao. SARS gabjale e thuša setheo se go akgofiša tshepedišo ye go sepelelana le boikgafo bja rena bja go netefatša tšhireletšo ya kabo. Bjale ka ge e amana le Theminala ya Burgan ka Cape Town, taba ya makhura a sefofane sa jet e ile ya rarollwa, gomme makhura a sefofane

sa jet a ile a lokollwa ka Labobedi, la 15 Dibatsela 2025. Moreki wa naga ya ka ntle gabjale o dira kgopelo ya laesense ya lefelo.

SARS e laeletšwe ke molao go fediša go se obamele melao ya go laola bobolokelo le go šoma ka makhura, go kgonthiša tebelelotlhokomelo ya dinyakwa tša laesense ntle le go hlokomologa kabo ya difonfane le pharafene ya go boneša. Mola polelo yeo e akaretšago mokgatlo wa intasteri e thekga tagafara ya SARS, dipolelo tša bona di šišinya tebelelo ya gore obamelo e swanetše go ba ya bobedi go tšhireletšo ya kabo ya makhura.

SARS e lomga bohlokwa bja intasteri ya makhura ya kabo ya difofane le pharafene ya go boneša go maemafofane a magolo ka moka, gape, ka tsela ye, SARS e leboga bohlokwa bja go hwetšagala ga makhura go setlha se sa maeto. Le ge go le bjalo, obamelo le melao ya khasetomo le motšhelophahlogae go ditshepedišo tšeo di bohlokwa kudu go kgothiša tshepetšo ya molao. SARS e šoma ka pholisi ye e tiilego ya kgotlelelo ya lefela ya go se obamele, ka ge go fapoga gofe goba gofe go tšhošetša moko wa tagafara ya yona, go akaretša mošomo wa yona wa go lekanetša lepatlelo la go bapala. Sa bohlokwa, go se obamele gape go tšhošetša ketwane wa kabo ya makhura gape go ka ba le ditlamorago tše kgolo go polokego ya setšhaba le ekonomi.

SARS e rata go gopotša gape intasteri ya makhura yeo e amanago le taolo, polokego, theko ya dinaga tša ka ntle le kabo ya pharafene ya go boneša ya difofane le go kgonthiša obamelo ya dilo tšeo di latelago:

1. Thibelo ya mosepelo wa dithoto tša go tšhelelwa: Pharafene ya go boneša ya difofane ya tlišogae e swanetše go bolokwa ka mo go kgethegilego ka go Lefelo la Polokelo leo le Kgethegilego (SOS)leo le nago le laesense, ka tatelo ya ditlhahlo tša molao tša mosepelo.

2. Ngwadišo le obamelo: Ditheo ka moka tšeo di amanago le taolo le kabo ya pharafene ya go boneša ya difofane di swanetše go kgonthiša gore di ngwadišitse le SARS, yeo e lego bohlokwa go tiiša obamelo le poloko ya direkhoto tša nepagalo.

3. Karogano ya diakhaonto: Bareki ba swanetše go ikarabela ka thoko bakeng sa pharafene ya difofane yeo e tšwago dinageng tša ka ntle le yeo e tšweleditšwego mo nageng go nolofatša obamelo.

4. Ditswaki tša diphaephe: Ditokumente tše di nepagetšego tša metswako efe goba efe ya diphaepe di a hlokega, le bareki bao ba ikarabelago ka dipheetošo tšeo di nyakegago go ditsebišo.

Khomišenare wa SARS Mra. Edward Kieswetter o boletše gore: "SARS e dula e ikgafile go kgokagano yeo e lego pepeneneng le tshwaro ya ka pela ya merero ya obamelo mola e netefatša botshephegi bja ditshepedišo tša rena. Ke hlohleletša baswarakabelo ka moka ba intasteri ya makhura go šoma mmogo le SAR go tloša ditlhohlo tšeo di sa hlokegego le go kgonthiša gore mosepelo ofe goba ofe wa makhura o šongwa go ya ka tatelo ya melao ya maleba, go akaretša Molao wa Khasetomo le Motšhelophahlogae wa 91 wa 1964".

Go hwetša tshedimošo enngwe, ikgokaganye le SarsMedia@sars.gov.za